



Broj: 05-19-33180/23
Sarajevo, 18.07.2023. godine

Na osnovu članova 3. i 5. Zakona o zaštiti okoliša ("Službene novine Federacije BiH" br: 15/21), člana 34. Zakona o izvršavanju Budžeta Kantona Sarajevo za 2023. godinu („Službene novine Kantona Sarajevo“ br: 15/23), Odluke o usvajanju Programa utroška sredstava putem transfera neprofitnim organizacijama Ministarstva komunalne privrede, infrastrukture, prostornog uređenja, građenja i zaštite okoliša („Službene novine Kantona Sarajevo“ br: 29/23) i Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“ br: 22/21 i 13/22), Ministarstvo komunalne privrede, infrastrukture, prostornog uređenja, građenja i zaštite okoliša objavljuje

JAVNI POZIV

za finansiranje/sufinansiranje projekata neprofitnih organizacija iz oblasti zaštite okoliša sredstvima Budžeta Kantona Sarajevo za 2023. godinu

I PREDMET JAVNOG POZIVA

(1) Predmet javnog poziva je finansiranje/sufinansiranje projekata neprofitnih organizacija iz oblasti zaštite okoliša, usmjerenih na konkretne aktivnosti iz oblasti zaštite okoliša, zaštite prirode i očuvanja prirodnih resursa, kao i jačanje svijesti o značaju kvalitetnog upravljanja otpadom, zaštite zraka uz poticanje racionalnog korištenja energije, konkretne akcije uređenja okoliša, čišćenje, pošumljavanje, ozelenjavanje, te konkretne akcije unapređenja ekološke svijesti javnosti.

(2) Finansijska sredstva za realizaciju po osnovu ovog Javnog poziva obezbijedena su u Budžetu Kantona Sarajevo za 2023. godinu, na razdjelu Ministarstva komunalne privrede, infrastrukture, prostornog uređenja, građenja i zaštite okoliša, u iznosu od 50.000,00 KM.

II PRAVO UČEŠĆA

(1) Pravo učešća i pravo na dodjelu sredstava imaju registrovane neprofitne organizacije koje imaju definisano područje djelovanja u oblasti zaštite okoliša i čiji projekti zadovoljavaju prioritete iz Predmeta Javnog poziva.

(2) Aplikanti mogu aplicirati za finansiranje/sufinansiranje samo jednog projekta.

III USLOVI ZA DODJELU SREDSTAVA

(1) Opći uslovi:

- Upis u odgovarajući registar i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva, a koji su navedeni u predmetu ovog javnog poziva



- Uredno ispunjavanje obaveza iz svih prethodno zaključenih ugovora o finansiranju i sufinansiranju iz budžetskih sredstava (ili po osnovu ranije dodijeljenih sredstava ako nisu zaključivali ugovore)
 - Uredno ispunjavanje obaveza poreza i doprinosa
 - Da se protiv podnosioca prijave, odnosno lica ovlaštenih za zastupanje i voditelja projekta, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup
 - Za podnosioca prijava koji su neprofitne organizacije, a na koje je preneseno javno ovlaštenje, internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji BiH („Službene novine Federacije BiH“, broj 38/16), način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekata, programa javnih potreba, javnih ovlaštenja, odnosno pružanje socijalnih usluga i sl.
- Ovaj uslov se odnosi samo na one neprofitne organizacije koje imaju preneseno javno ovlaštenje.**

IV POTREBNA DOKUMENTACIJA

Dokumenti koje je potrebno dostaviti u prijavi:

1. Rješenje o registraciji (ukoliko je izmijenjeno, dostaviti i osnovno rješenje)
2. Statut ili osnivački akt iz kojeg se vidi područje djelovanja (jedan od ciljeva mora biti zaštita okoliša)
3. Uvjerenje o poreskoj registraciji - identifikacioni broj i račun u poslovnoj banci
4. Finansijski izvještaj o uredno ispunjenim obavezama iz prethodno zaključenih ugovora, te o utrošku sredstava za projekte odobrene od donatora u prethodnoj godini
5. Uvjerenje o izmirenim poreskim obavezama ili uvjerenje poreske uprave da udruženje/organizacija nije poreski obveznik;
6. Uvjerenje/Potvrda da se protiv udruženja i odgovornog lica, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup
7. Za podnosioca prijava koji su neprofitne organizacije, a na koje je preneseno javno ovlaštenje, internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji BiH („Službene novine Federacije BiH“, broj 38/16), način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekata, programa javnih potreba, javnih ovlaštenja, odnosno pružanje socijalnih usluga i sl.

Ovaj dokument je potreban samo za one neprofitne organizacije koje imaju preneseno javno ovlaštenje.

8. Ovjerena Izjava odgovornog lica udruženja o materijalnoj i krivičnoj odgovornosti za istinitost dostavljene dokumentacije i podataka.

Dokumentaciju je potrebno numerisati i dostaviti redosljedom kako je navedena.

V OCJENA PRIJAVA

Nepotpune i neblagovremene prijave se neće uzeti u razmatranje.

Neće se uzeti u razmatranje prijave neprofitnih organizacija:

- koji apliciraju sa projektom koji je ranije podržan od strane Ministarstva,
- koji ne ispunjavaju opće uslove iz ovog poziva,
- čiji projekat nije prijavljen na način propisan ovim pozivom,
- čiji projekat nije usklađen sa priritetima navedenim u predmetu javnog poziva
- čiji jedan od ciljeva djelovanja nije zaštita okoliša
- čiji projekat ima komercijalni ili isključivo naučno-istraživački karakter,
- čiji je projekat napravljen samo u korist članova organizacije/udruženja,
- čiji projekti nemaju konkretne i mjerljive aktivnosti.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

VI ROK I NAČIN PODNOŠENJA PRIJAVA

Prijave se dostavljaju u zatvorenoj koverti sa naznakom „**Prijava na Javni poziv za finansiranje/sufinansiranje projekata neprofitnih organizacija iz oblasti zaštite okoliša sredstvima Budžeta Kantona Sarajevo za 2023. godinu (Ne otvaraj – otvara Komisija)**, na protokol Kantona Sarajevo ili poštom na adresu:

Kanton Sarajevo
Ministarstvo komunalne privrede, infrastrukture, prostornog uređenja, građenja i zaštite okoliša
Reisa Džemaludina Čauševića br. 1
71000 Sarajevo

Prijava na Javni poziv se dostavlja na propisanom obrascu OBR.8.5-02-01/01. Obrazac je dostupan na web stranici Ministarstva <https://mkipgo.ks.gov.ba/aktuelno/konkursi>, u skladu sa Javnim pozivom, te Smjernicama za sadržaj, osnovne elemente i prijavu projekata za finansiranje/sufinansiranje iz budžeta KS, Vlade Kantona Sarajevo.

Svi dokumenti koji se predaju u prijavi moraju biti originali ili ovjerene kopije.

Rok za podnošenje prijava je 30 dana od dana objave Javnog poziva u jednom od dnevnih novina i na web stranici Ministarstva <https://mkipgo.ks.gov.ba/aktuelno/konkursi>.

Na web stranici Ministarstva dostupno je Uputstvo za podnosiocima prijave, kao i Obrazac za narativno i finansijsko izvještavanje. <https://mkipgo.ks.gov.ba/aktuelno/konkursi>

VII OPŠTE ODREDBE

Rukovodilac davaoca sredstava imenovaće Komisiju za provođenje Javnog poziva i utvrditi postupke za sprečavanje sukoba interesa osoba.

Ukoliko se utvrdi postojanje sukoba interesa obavještava se rukovodilac institucije, koji donosi odluku o izuzeću člana ili zamjeni člana komisije u odnosu na aplikanta sa kojim je utvrđen sukob interesa.

Rezultati Javnog poziva će biti objavljeni na web stranici Kantona Sarajevo:
<https://mkipgo.ks.gov.ba/aktuelno/konkursi>.

Davalac sredstava će pismeno obavijestiti podnosiocima čije prijave nisu prihvaćene u roku od 15 radnih dana od dana objavljivanja rezultata.

Podnosioci prijave imaju pravo na izjavljivanje prigovora ovom Ministarstvu u roku od 7 (sedam) dana od dana dostavljanja pismene obavijest podnosiocu čija prijava nije prihvaćena za finansiranje i sufinansiranje.

Sve dodatne informacije mogu se dobiti putem email-a:

jasmina.zelic@mkipgo.ks.gov.ba

lejla.vranesic@mkipgo.ks.gov.ba

selma.sokocevic@mkipgo.ks.gov.ba



Prilog:

Uputstvo za podnosiocima prijave

Obrazac za prijavu

Obrazac narativnog i finansijskog izvještaja



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

